

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Baptismo Et Confirmatione - Dvobus Libris Explicata

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

X. Quid sentiant aduersarij de fide, quæ requiritur in Baptismo
paruulorum.

[urn:nbn:de:hbz:466:1-53934](https://nbn-resolving.de/urn:nbn:de:hbz:466:1-53934)

nasci solent. Quare Apostolus Hebr. 6. Baptismum imperfectorum esse dicit.

TRICESIMVM QUINTVM: *Primi nos esse oportet anima-* 33. *les, deinde spirituales, i. Corinth. 5. Sacra- menta sunt instru- menta spiritualia; ergo infantes spiritu renasci non possunt.* RESPONDO; Vis argumenti hæc videtur esse. Sacra- menta sunt spiritualia; ergo spiritualibus tantum conueniunt. Sed infantes non sunt spirituales, vt ex Apostolo colligitur, qui do- cet nos prius esse animales, & postea spirituales; igitur Sa- cramenta infantibus non conueniunt; Sed in hoc argumen- to mala est prima consequentia. Sacra-menta enim sic sunt spiritualia, vt homines spirituales ex animalibus efficiant, cùm vim habeant regenerandi, & renouandi, Ioan. 3. & Tit. 3.

TRICESIMVM SEXTVM. Adultos cæcos, surdos, & mu- 36. tos nemo vñquam baptizare audebit; tanto minus infantes, qui nec ambulare possunt, nec audire, nec loqui. RESPON- DO; Eiusmodi adulti, si indicare possint aliquo modo suam voluntatem, qua baptizari velint, aut certè antea indicaue- rint, quām in eum morbum incidenter, omnino baptizari pos- sunt, ac debent: vt apertè tradit Concilium III. Carthag. cap. 34. & Arausicanum I. can. 12. & Augustinus lib. 1. de adul- terinis coniugiis, cap. 26. de ægrotis, qui repente obmuta- scunt; Quod si sciri nequeat eorum voluntas, non baptizan- tur, quia in iis, qui rationis vsum habent, requiritur eorum consensus, vt supra diximus; quod in infantibus nō requiritur vt quibus sufficit aliorum consensus. Item nescimus de adul- tis cæcis, mutis, & surdis, an non ponant obicem aliquem; quod de infantibus certè scimus.

CAPUT DECIMVM.

Quid sentiant aduersarij de fide, quæ requiritur in Baptismo parvulorum.

RESTAT ALTERA quæstio de fide, qua parvuli baptizantur. Sunt autem de hac re duæ extremæ sententiæ hæreticorum, inter quas media incedit sententia Catholicæ Ecclesiæ.

PRIMA sententia Lutherorum est, qui fidem actualem,

e 2 aut

aut e aliiquid simile actuali fidei parvulis tribuunt. Primus Lutherus anno XX. in libro de captiuitate Babylonica capite de Baptismo, cum dixisset: *Omnia Sacra menta ad fidem adam instituta sunt*, Item: *Sacra menta non iustificant, nec tolli prosunt; sed sola fides*. Item: *Sacra menta non impletantur dum sunt, sed dum creduntur*. Vedit repugnare his sententia parvorum Baptismum, atque eum sibi ipse obiecit: *Opponitur, inquit, forsitan, quae dicta sunt, Baptismus parvorum, qui promissionem Dei non capiant, nec fidem Baptismi habent possint*. Respondet autem, ac duo dicit, PRIMO, infantes credere. SECUNDO, fidem acquirere, non vi Sacra menti, sed per orationem Ecclesiae, & fidem offerentium parvulum ad Baptismum; & sic exponit, quod dici solet, parvulis fide actualis succurri. Quod autem loquatur de fide actuali parvorum, non de aliquo habitu, patet ex illis eius verbis: *Sicut verbum Dei potest est, dum bona, retiam impij cor immutare, quod non minus est surdum, et incapax, quam illius parvulus, ita per orationem Ecclesiae offerentis, et credentis, cui omnia possibilia sunt, et parvulus fide infusa mutatur, mundatur, et renouatur*. Hæc ille. At certè impius, cùm ad vocem verbi Dei immutatur, ut velit conuersti, actualiter immutatur, non habitualiter.

Item Lutherus in lib. contra Cochlaeum anno XIIII. Dicimus, inquit, ad Baptismum infantes credere per vim verbi, quo exorcizantur, & per fidem Ecclesiae eos offerentis, & en fidem orationibus suis impenetrantis. Alioqui mera, & mortalitera essent mendacia, quādo baptizans à parvulo querit, an credat, non baptizatus, nisi vice eius respondeatur, Credo. Ut quid interrogat an credat, si certum est, eos non credere? ut Cochlaeus contendit. Esto, Augustinus sic aliquando dicat; sed Cochlaeo sat is sit, esse sic ab homine dictum: nos volumnus hoc dictum diuinū testimoniu probari. Quin afferimus parvulos prorsus non esse baptizandos, si verum est, in baptismō non credere, ne illudatur maiestatu Sacra mentū, & verbum. Debemus autem & hunc negare in parvuli fidei erarem Sophistū, &c. Vbi apertissimè loquitur de fide actuali, nō de habituali: neque enim Cochlaeus, aut Augustinus, aut Scho lastici; quos ille Sophistas vocat, fidem habitualē in parvulis negarunt. Et præterea vult Lutherus fidem esse in parvulis an-

te Baptismum, dum exorcizatur, & interrogantur: illa autem non potest esse fides nisi actualis, habitualis enim non infunditur ante Baptismū, sed in ipso Baptismo. Idem etiam scripsit in lib. ad Waldenses, vbi ait, præstare prorsus omittere Baptismum in paruulis, quam baptizare eos sine fide. Nam si sine fide accipias Sacramentum, magno tuo malo accipies. Et probat ex illo Marci vltimo. Qui crediderit, et baptizatus fuerit. Qui locus de actuali fide intelligitur.

Hæc sententia visa est admodum dura omnibus aliis, & perperit tres sectas diuersas. Quidam enim negârunt paruulos baptizandos, cùm omnino crederent sine fide Baptismum nihil prodesse, vt Lutherus dixerat; & simul experimento certissimo tenerent, paruulos non credere, cùm aperte renitantur, & ejulant cùm baptizantur. Atque hi sunt Anabaptistæ, de quibus supra diximus.

Alij non negârunt paruulos baptizandos, sed negârunt fidem in paruulis requiri; & ij sunt Sacramentarij, de quibus mox dicemus dum alteram sententiam referemus.

Denique alij neque fidem, neque Baptismum paruolorum negârunt, sed molire conati sunt, & exponere Lutheri sententiam. Itaque anno XXXVI. conuenerunt Lutherani ad Conciliabulum Wittembergense, cuius acta exstant apud Cochleum lib. 3. miscellaneorum tractat. 8. capit. 1. In ea Pseudosynodo hæc pronunciata habentur. PRIMVM, reiiciendum esse ertorem illorū, qui imaginantur saluari infantes sine aliqua actione ipsorum. SECUNDVM, etsi nos non intelligamus qualis sit illa actio paruolorum, tamen certum esse in eis fieri sanctos, & nouos motus; sicut in Ioanne Baptista, quando exultauit in utero. TERTIVM, licet non sit imaginandum, quod iufantes intelligent, tamen motus eorum, & inclinatio-nes ad credendum, & diligendum Deum, similes esse motibus fidei, & dilectionis: & hoc esse intelligendum, cùm dicuntur infantes credere.

Hanc mitigationem sententiæ Lutheri, sequi videntur communiter Lutherani. Philippus in locis anni LVIII. tit. de Baptismo paruolorum: *De infantibus hoc satis est tenere; Spiritus sanctus per Baptismū eis datur, qui efficit in eis nouos motus, nouas inclinationes ad Deum pro ipsorum modo.* Idē habet Ioan. Brentius in Apolog. pro confess. Wittember. cap. de

70 Cap. X. De Sacram. Baptismi. Lib. I.

Baptismo; & David Chitræus in suo Catechismo, loco 7. de Baptismo. Item Illyricus cum Centuriatoribus, Cent. 1. cap. 4. col. 63. & Cent. 3. cap. 4. col. 517. reprehendit Iustinum, & Augustinum, quod velint infantes in Baptismo non credere propria, sed aliena. Denique (ut omittam ceteros) Mnicius Kemnitius in 2. part. Exam Trident. Concilij ad canorum, 7. sessionis, pag. 258. & sequentibus, dicit quidem esse diuine intellectu, & explicatu, quemadmodum infantes credunt. Tamen, inquit, quomodo hoc simplicissime possit intelligi, explicatur in formula Concordie inter Theologos Saxonie, & superioris Germaniae anno M. D. XXXVI. constituta. Et ponit breuiter summam eorum, quæ ex conuenticulo Wittembergensi suprà citauimus.

Est autem hic OBSERVANDVM, Kemnitium mira fraude, & artificio, immò aperto mendacio afferere, hanc sententiam conuenticuli Wittembergensis concordare cum Lutheri sententiis suprà citatis, & rursum Lutherum cum Augustino; & contrà Synodus Tridentinam dissentire in hacce Synodo generali Viennensi, quod Synodus Viennensis docuerit infantibus in Baptismo infundi habitus fidei, spei, & charitatis: Synodo autem Tridentinæ ita sorduerit illud decreta, ut ne mentionem quidem eius facere voluerit. Quæ mendacia paulò post refellimus; atque hæc de prima sententia,


ALTERA sententia in altero extremo: infantibus nullam fidem in Baptismo esse necessariam. Hanc videtur primus etiam Lutherus docuisse. Nam licet antequam Anabaptistæ exortarentur, illa scripsicerit, quæ suprà citauimus: tamen postquam illi apparuerunt, scripsit librum contra eos, anno M. D. XXVIII. & vbi ad hoc argumentum venisset de fide infantium, dixit nihil interesse, siue credant, siue non credant. Baptismum enim non fundari super fidem dantis, aut recipientis, quæ incertissima est, sed super Dei mandatum, & institutionem. Et similia habet in homiliis de Baptismo anno XXXVII. & XL. habitus: tamen hoc principium Lutheri non est solidum. Nam etiamsi ex eo, quod Sacramentum non pendet à fide nostra, sed à diuina institutione, sequatur illud in se semper esse efficax, non tamen sequitur nobis esse utile, & fructuosum, nisi cum fide accipiatur; alioqui etiam, qui

qui ficto animo accedunt, vel peccatum deserere nolunt, per Baptismum purgarentur. Ideò Sacramentarij sequuntur quidem Lutherum in eo, quod scribit non requiri fidem: sed ex alio fundamento id colligunt, nimis ex promissione facta Abrahæ, & semini eius, vel certè ex diuina prædestinatione.

Calvinus libro quarto Institut, cap. 16. cupiebat primam Lutheri sententiam, quam suprà explicauimus, defendere, sed non est ausus. Vnde sic loquitur §. 18. *Non satū tutum fuerit hoc adimere Domino, ne sese illis quoquomodo exhibere cognoscendum queat.* & §. 19. *Non quod eadem esse fide præditos temerè affirmare velim, quam in nobis experimur, aut omnino habere notitiam fidei similem.* Hæc ille. Vides quomodo reiicit decretum Wittembergense? Inde §. 21. *Quos electione sua dignatus est Dominus, si accepto regenerationis signo præsenti vita antè demigrent, quām adoleuerint; eos virtute sui Spiritus nobis incomprehensa renouat, quomodo expedire solus ipse prouidet.* Similia habet Theodorus Beza in sua confess. cap. 4. artic. 48. & Petrus Martyr, in cap. 1. & 7. prioris ad Corinth. vbi apertè dicit, infantes non intelligere, neque credere, & tamen rectè baptizari, quia iam antea sanctificati sunt, & membra Ecclesiæ effecti per donum electionis diuinæ, & promissionem parentibus factam. Immò Wolfgangus Musculus, qui interfuerat Conciliabulo Wittembergensi, postea Sacramentarius factus, in locis communibus, tit. de Pædobaptismo, dicit admodum inconsultè scripsisse Lutherum, si constet paruulos non credere, baptizandos non esse: & hanc fuisse occasionem Anabaptismi.

TERTIA sententia Catholicorum est: infantes non habere fidem actualem, nec tamen omni fide carere; sed habere fidem habitualem; & præterea credere fide aliena, &

ipsa Baptismi susceptione. Quæ omnia, vt
ordine probentur, ponam se-
quentes proposi-
tiones.



C S C A P U T